

ხელშეკრულება სახელმწიფო შესყიდვის შესახებ № 007/12/11/17

ქ. თბილისი

22 ნოემბერი, 2017 წელი

შემსყიდველი: შპს „საქაერონავიგაცია“ (ს.კ. 208144051),

წარმოდგენილი გენერალური დირექტორის, გოჩა მეზერიშვილის სახით,

მისამართი: ქ. თბილისი, აეროპორტი 0198, ტელ. 274-42-27

საბანკო რეკვიზიტები: ს.ს. „თიბისი ბანკი“ ბ.კ. TBCBGE22

ა.ა GE19TB7188636070100001.

მიმწოდებელი: სსიპ „საქართველოს სტანდარტების და მეტროლოგიის ეროვნული სააგენტო“ (ს.კ. 200162224)

წარმოდგენილი გენერალური დირექტორის, დავით ტყემალაძის სახით,

მისამართი: თბილისი, ჩარგლის ქ. №67;

საბანკო რეკვიზიტები: სახელმწიფო ხაზინა, ხაზინის ერთიანი ანგარიში, ბანკის კოდი: TRESGE22, სახაზინო კოდი: 707177053

მუხლი 1. ხელშეკრულების ობიექტი

- 1.1. ხელშეკრულების ობიექტია შპს „საქაერონავიგაციის“ გამზომი საშუალებების დაკალიბრების მომსახურების შესყიდვა (შემდგომში, მომსახურება).
- 1.2. მომსახურების გაწევის ღირებულება დანართში №1 – ხარჯთაღრიცხვა, რომელიც ხელშეკრულების განუყოფელი ნაწილია.
- 1.3. ხელშეკრულება იდება „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ზ“ ქვეპუნქტის საფუძველზე.
- 1.4. შესყიდვის ობიექტის კლასიფიკატორის კოდია **50433000**.
- 1.5. შპს „საქაერონავიგაციის“ რესურსის მოთხოვნის განაცხადი №480-17.

მუხლი 2. ხელშეკრულების შესრულების კონტროლი

- 2.1. შემსყიდველი უფლებამოსილია განახორციელოს კონტროლი ხელშეკრულების პირობების შესრულებაზე, რომლის მიზანია მომსახურების ხარისხის, მოცულობისა და მიწოდების ვად(ებ)ის შესაბამისობის დადგენა ხელშეკრულებით გათვალისწინებულ მოთხოვნებთან.
- 2.2. ხელშეკრულების პირობების შესრულებაზე კონტროლს შემსყიდველის სახელით ახორციელებს კონსტანტინე ადამია, ტექნიკური კომპლექსის საორგანიზაციო ტექნიკური საქმიანობისა და მონიტორინგის სამსახურის უფროსი.

მუხლი 3. მომსახურების მიღება-ჩაბარების წესი

- 3.1. მომსახურების გაწევის თაობაზე მხარეების უფლებამოსილი წარმომადგენლები აფორმებენ მიღება-ჩაბარების აქტს.
- 3.2. მომსახურების გაწევა მოხდება ეტაპობრივად. მიღება-ჩაბარების აქტი დგება ყოველ ეტაპზე გაწეული მომსახურების თაობაზე.
- 3.3. შემსყიდველის სახელით მიღება-ჩაბარების აქტზე ხელმოწერის უფლებამოსილება ენიჭებათ ხელშეკრულების 2.2. პუნქტში მითითებულ პირს.

მუხლი 4. ხელშეკრულების ღირებულება და ანგარიშსწორების წესი

- 4.1. ხელშეკრულების ჯამური ღირებულებაა **768.00** ლარი.
- 4.2. ხარჯთაღრიცხვა მოცემულია ხელშეკრულების დანართ №1-ში.
- 4.3. ხელშეკრულების ჯამური ღირებულება მოიცავს მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს, მათ შორის, დღგ-ს.
- 4.4. გადახდის ფორმა - უნაღდო ანგარიშსწორება.
- 4.5. ანგარიშსწორება განხორციელდება ეტაპობრივად, ფაქტიურად გაწეული მომსახურების შემდეგ მიღება-ჩაბარების აქტის გაფორმებიდან და საგადასახადო ანგარიშფაქტურის შემსყიდველისთვის წარდგენიდან 10 დღის ვადაში.

მუხლი 5. მხარეთა უფლება-მოვალეობანი

- 5.1. მიმწოდებელი ვალდებულია:
 - 5.1.1. გასწიოს ხელშეკრულების დანართით განსაზღვრული მომსახურება ხელშეკრულების ძალაში შესვლიდან **2017 წლის 15 დეკემბრამდე**.
 - 5.1.2. გასწიოს მომსახურება წერილობითი მოთხოვნის, შესაბამისი გამზომი საშუალების და საჭირო დოკუმენტაციის მიმწოდებლისთვის წარდგენიდან 10 სამუშაო დღის ვადაში.
 - 5.1.3. შეასრულოს სახელშეკრულებო ვალდებულებები პირადად და არც მთლიანად და არც ნაწილობრივ არ გადასცეს ხელშეკრულებით გათვალისწინებული თავისი ვალდებულებები მესამე პირებს.
- 5.2. მიმწოდებელი უფლებამოსილია:
 - 5.2.1. მოითხოვოს მომსახურების ღირებულების დროული და სრული გადახდა ხელშეკრულების შესაბამისად.
 - 5.2.2. მოითხოვოს ხელშეკრულების პირობების დაცვა.
 - 5.2.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.
- 5.3. შემსყიდველი ვალდებულია:
 - 5.3.1. გადაუხადოს მიმწოდებელს გაწეული მომსახურების შესაბამისი ღირებულება ხელშეკრულებით დადგენილი წესით.

5.4. შემსყიდველი უფლებამოსილია:

- 5.4.1. წარადგინოს პრეტენზია გაწეულ მომსახურებასთან დაკავშირებით, თუ იგი არ შეესაბამება ხელშეკრულებით გათვალისწინებულ პირობებს.
- 5.4.2. განახორციელოს კონტროლი და ზედამხედველობა ხელშეკრულების პირობების შესრულებაზე.
- 5.4.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.

მუხლი 6. მხარეთა პასუხისმგებლობა

- 6.1. ხელშეკრულებით დადგენილ ვადებში სახელშეკრულებო ვალდებულების შეუსრულებლობის ან არაჯეროვანი შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო გაუწეველი მომსახურების ღირებულების 0,1%-ის ოდენობით ყოველი ვადაგადაცილებული დღისთვის.
- 6.2. ხელშეკრულების ღირებულების გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო გადასახდელი ღირებულების 0,1%-ის ოდენობით ყოველ ვადაგადაცილებული დღისთვის.
- 6.3. მხარეებს ყოველთვის აქვთ უფლება მოითხოვონ ხელშეკრულების შეუსრულებლობით ან/და არაჯეროვანი შესრულებით მიყენებული ზიანის ანაზღაურება საქართველოს კანონმდებლობით დადგენილი წესით.

მუხლი 7. ფორს-მაჟორი

- 7.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს პასუხისმგებლობის დაკისრებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 7.2. ხელშეკრულებს მიზნებისთვის "ფორს-მაჟორი" ნიშნავს მხარეებისთვის გადაულახავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული მხარეების შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება იყოს გამოწვეული ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით და სხვა.
- 7.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი

შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისგან.

მუხლი 8. ხელშეკრულების შეწყვეტა

- 8.1. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მეორე მხარისათვის წინასწარი შეტყობინების შემდეგ:
 - 8.1.1. თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მომსახურების გაწევა.
 - 8.1.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.
 - 8.1.3. თუ შემსყიდველისთვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას.
 - 8.1.4. საქართველოს კანონმდებლობით გათვალისწინებულ სხვა შემთხვევებში.
- 8.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისგან.
- 8.3. ამ მუხლის 8.1. პუნქტის თანახმად, ხელშეკრულების შეწყვეტის ინიციატორი მხარე ვალდებულია შეატყობინოს მეორე მხარეს ხელშეკრულების შეწყვეტის განზრახვის თაობაზე არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალების გამოყენებით.

მუხლი 9. ხელშეკრულებაში ცვლილებებისა და დამატებების განხორციელების წესი

- 9.1. ხელშეკრულების ცვლილება/დამატება უნდა გაფორმდეს წერილობითი ფორმით.
- 9.2. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისთვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

მუხლი 10. დავების გადაწყვეტა

- 10.1. მხარეები ვალდებული არიან მოავგარონ ყველა უთანხმოება მოლაპარაკების გზით. ურთიერთშეთანხმების მიუღწევლობის შემთხვევაში, დავას წყვეტს სასამართლო საქართველოს კანონმდებლობით დადგენილი წესით.

მუხლი 11. ხელშეკრულების მოქმედების ვადა

- 11.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2018 წლის 15 იანვრამდე.

მუხლი 12. დასკვნითი დებულებები

- 12.1. ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად და ინახება ხელშეკრულების მხარეებთან.

მუხლი 13. მხარეთა ხელმოწერები

შემსყიდველის სახელით:

მომწოდებლის სახელით:

გოჩა მეზერიშვილი

დავით ტყეშალაძე

გენერალური დირექტორი

გენერალური დირექტორი



დანართი №1

სახელმწიფო შესყიდვის შესახებ ხელშეკრულება № 8001/12/11/17

№	დასახელება	რაოდენობა	დაკალიბრების ერთეულის ფასი	ჯამი
1	ოსცილოგრაფი TEKTRONIX MDO3012 ს/ნ C015394	1	476	476
2	ოსცილოგრაფი C1-67, ს/ნ F11547	1	292	292
ჯამური ღირებულება:				768 ლარი

შემსყიდველის სახელით:

გოჩა მეზერიშვილი

გენერალური დირექტორი



მიმწოდებლის სახელით:

დავით ტყეშელაძე

გენერალური დირექტორი

